

HAPPY END (RIESESCHLANGE VS STEGOSAURUS)

SCHTÄRNEFÖIFI
Text: Boni Koller

Intro: A

Str: ^C D'Luft isch warm gsi, s'Wasser klar, drum isch e Rieseschlange
^{Am} Vor 150 Millione Jahr in See go bade ggange
^C En junge Stegosaurier hät au aagfange schwitze
^{E7} Und dänkt er chönnt im schöne Wätter chli is Wasser sitze

Refr: ^A Mal ganz ehrlich, das isch gföhrlich, das isch e riskanti Gschicht ^{E7}
^{E7} Nur wänn sich alli Müe gänd, gits es Happy End ^A
^A Mal ganz ehrlich, das isch gföhrlich, das isch e riskanti Gschicht ^{E7}
^{E7} Nur wänn sich alli Müe gänd, gits es Happy End – vilicht ^A

Str: De Stegosaurus hät e Schwöschter, die laht d'Füess is Wasser hange
Luegt wie ihre Brüeder göötschet und dänn gseht sie d'Schlange
Sie fangt sofort aa göisse, dass es i de n'Ohre lüüetet
Ihre Brüeder, dä veschrickt, er weiss was das bedüüetet

Bridge: ^{D7} Er gumpt as Land so gschnäll er cha, und d'Schlange fangt aa hetze ^{C7} ^{Des7}
^{D7} Mit ihrne Zäh cha sie en no ganz knapp am Bei verletze ^{C7} ^{C7}
^{H7} Am Ufer grast zum Glück e ganzi Stegosaurier-Herde
^{E7} Und drum git d'Schlange uf, es chönnt für sie suscht bränzig werde

Ref. Mal ganz ehrlich, das isch gföhrlich...

Str: De Stegosaurier isch grettet, dank sinere grosse Schwöschter
Und en Pterodactylus schlaaft uf sim Bei als Pflaschter
Acht Schtund mues er uf d'Wunde sini Flügel drüber chläbe
So cha sin Fründ de Aagriff vo de Schlange überläbe

Bridge: D'Luft isch chalt gsi, s'Wasser trüeb, und de Himmel ehner grau
Nach so furchtbar langer Ziiit weiss me's ja nümme so genau
Aber zimmlig sicher isch die Gschicht mit däre Schlange
Vor 150 Millionen Jahre dänn doch no guet uusggange

Ref: Mal ganz ehrlich, das isch gföhrlich gsi, e riskanti Gschicht
Aber s'händ sich alli Müe ggäh, s'git es Happy End
Mal ganz ehrlich, das isch gföhrlich gsi, e riskanti Gschicht
Aber s'händ sich alli Müe ggäh, s'git es Happy End – vilicht